


ル 5  
2537  
13





門牌名  
號 2537  
表 20-13

日下舊聞卷二十五

京畿一 良鄉 固安 永清 東安



良鄉縣在府西南七十里 明一統志

良鄉漢縣屬涿郡 清類天文分野之書

莽曰廣陽 漢地理志注

後漢仍曰良鄉 縣志

晉屬范陽國元魏屬燕郡北齊天保七年省入薊縣武

平六年復置隋屬涿郡唐聖曆元年改固節縣神龍元

年復為良鄉 清類天文分野之書

唐以不從安史之叛改名固節 名勝志

善志在涿州北四十里後唐長興三年移治于此 方輿紀要



良鄉縣乃唐莊宗時趙德鈞所鎮也幽州歲苦契丹侵抄轉餉乃于鹽溝置良鄉縣許奉使行程錄

契丹既強寇抄諸州皆偏幽州城門之外甲騎充斥每

自涿州運糧入幽州輒伏兵于間溝掠取之及趙德鈞

為節度使城闕溝而戍之為良鄉縣通鑑

良鄉亦稱鹽川因境內有鹽溝故也鹽溝即間溝發源

自宛平縣龍門口東有流與廣陽水合長安客話

遼屬析津府遼史地理志

統和十九年十月己亥南伐壬寅次鹽溝遼史聖宗紀

保太二年蕭輪破宋師于良鄉遼史天祚紀

金屬大興府金史地理志

貞祐二年車駕遷汴發中都至良鄉紮軍斫荅等亂

主帥降蒙古大金國志

元屬大都略元史地理志

明洪武元年隸北平府永樂元年改北平為順天府屬焉縣志

聖水南流歷良鄉縣西轉又南經良鄉縣故城西王莽

之廣陽也有防水注之水經注

傳逮述遊賦出北薊歷良鄉登金臺觀武陽兩城遼

廓舊迹冥芒同上

景泰元年十二月築良鄉縣城實錄

弘治六年二月兵部主事歐鈺上言良鄉涿州在京師

肘腋止有土城而無石郭正統末年也先深入如蹈無

人之境方今無事宜豫為之計上命所司知之兵部奏



既所言守土大要宜如奏行從之 孝宗實錄

良鄉土城舊高二丈隆慶中知縣事貴陽安上達增築  
之高三丈二尺東南北有甕城而西門獨缺垂二十年  
濟陽王道定來知縣事遂完之 良鄉縣志

良鄉燕山屬邑驛中供金粟梨天生子皆珍果又有易  
州栗甚小而甘 石湖集

范成大良鄉詩新寒凍指似排籤村酒雖酸味可嫌  
紫爛山梨紅皴棗總輸易栗十分甜 同上

李濂良鄉道中詩春色南逾麗蕭蕭旅思分年芳搖  
樹影晴彩蕩川文沙鴈衝車起洲鶯隔岸聞暮看霞

氣近疑是漢宮雲 嵩洛集  
邦瞻良鄉道中詩作客三千里聞雞戒早征嚴程

趨赤縣王氣近神京塔勢中天出觚稜向日明白頭

思報主莫動望鄉情 荷華山房稿

彭輅良鄉道中詩昔去經衰柳今歸見早梅朱塵飛  
不盡白日黯難開短劍餘孤憤長歌動七哀年年薊  
門道空老洛陽才 北都集

魏大中良鄉縣詩彰義門西路桑乾古渡分長羈乘  
值馬不斷出關軍沙白連荒戍城黃壓暮雲車牛徵  
到骨蘇瓜底紛紛 藏密齋集

良鄉學宮故有李北海雲麾將軍碑學官以其已斷因  
修大成殿琢為柱礎後更葺殿宇雜置瓦礫有南士見  
之以告宛平令南陽李蔭遣人輦致署中起齋覆之北  
海嘗書兩雲麾將軍碑其一為左衛將軍李思訓此名



秀幽州人 燕山叢錄

唐雲麾將軍李秀碑李邕撰并行書天寶元載正月立明皇以天寶三年改年為載今此碑元年正月立而稱載何哉 金石錄

李北海書以雲麾將軍碑為第一其融液屈行紆徐妍溢一法蘭亭碑刻在長安今良鄉縣拓本遠不如也 墨池錄

北海書逸而道米元章謂其屈強生疎似為未當此碑是其得意者雖剝蝕過半而存者其鋒鏃凜然碑在蒲城楊用修謂已斷正德中劉遠夫御史以鐵束之又謂已亡朱秉器又謂良鄉亦有此碑蒲城者為趙文敏臨書今蒲城碑尚在未斷無有鐵束事且蒲城李思訓墓

處北海真跡的非文敏所能良鄉本肥媚文敏書無疑  
石墨鐫華

范陽李秀唐明皇時以功拜雲麾將軍左豹韜衛翊府中郎將封遼西郡開國公卒于開元四年葬范陽福祿鄉碑刻于天寶元年李北海有兩雲麾碑一為李思訓在陝西一為此碑其官同其姓同也此碑筆法遒逸大勝陝碑秦人趙子函著石墨鐫華乃以為一碑且以此碑為趙松雪所臨誤矣 春明夢餘錄

趙胤良鄉縣學詩儒宮宜地僻竟日有餘清殿古碑仍在庭空草自生風高時落水雲重欲摧城客興已瀟灑秋堂更雨聲 中州集

良鄉城隍廟舊在縣西南隅景泰二年因築城而廟遂



隔于城外潯陽鄭智為主簿謀于知縣賈禡擇地于城內西北隅建廟以景泰六年二月興役明年七月工竣  
呂文懿公集

天王寺在縣治東南 縣志

鄔紳良鄉天王寺詩驛路絕浮埃城闈寶殿開諸天  
朝魏闕六道接燕臺珠樹雀飛去金蓮龍駕來晨鐘  
促征容結駟入蓬萊 鄔中憲集

固節驛以諫得名金主亮荒淫不道使唐括定哥殺其夫節度使烏帶而以定哥為貴妃又納其叔母為昭妃復召葛王烏祿妃烏林答氏妃謂烏祿曰妾不行上怒必殺王我當自裁不以相累行至良鄉驛妃問何名左右以固節對妃曰我得死所矣遂自殺 長安客話

李嘉賓題固節驛詩狂金跨中原南渡轉炎精海陵

滅三綱醜類禽獸行殺夫納其婦節義漸以傾賢哉

葛王妃挺挺女中英被召欲不往夫禍與之并辭王  
隨使去庶使全王生行矣死傳舍而不墜初盟烏祿  
得再世眾推帝東京江上斃兇逆境內樂昇平人稱  
小堯舜實延完顏祊燕山有佳色燕水有餘清山青  
節不朽水遠流芳聲乾坤氣磊落驛名永以旌 同上

料石岡在縣治東三里岡有古城五座方圓碁布岡頂  
有多佛塔隋建 方輿紀要

良鄉縣城東里許有石岡石赤色如燎可以取火因名  
燎石岡舊有佛塔亦名塔岡 長安客話

金貞元元年獵于良鄉封料石岡神為靈應王初海陵



過此祠持環玦禱曰使吾有天命當得吉卜投之吉又  
禱曰果如所卜他日當有報否則毀爾祠宇投之又吉  
故封之金史

袁宏道月夜登塔岡詩秋山漱漱滴青霧城外人家  
城裏樹白埃一道衝紅亭正是馬蹄離別處中郎集

廣陽故城在今縣東北三十七里太平寰宇記

廣陽城在縣東八里漢縣屬廣陽國後漢建武初封劉  
良爲侯邑屬廣陽郡晉屬范陽國後魏屬燕郡北齊省  
入薊唐總章中以新羅降戶置歸義州于此後廢開元  
二十年復置以處降奚唐書時信安王禕破奚契丹李  
詩降賜爵歸義王歸義州都督徙部落于幽州境內卽  
此上元三年史朝義自歸義東奔廣陽此廣陽謂密雲

郡之廢燕樂縣後魏置廣陽郡于燕樂故云所謂歸義

卽此城也州尋廢或曰金廣陽鎮蓋置于此方輿紀要

縣西十里伏龍岡形勢蜿蜒如龍之伏故名又五里爲

龍泉山山下有石龍口出泉不竭東流入鹽溝河名勝

志

龍谷泉金大定間所鑿極甘在良鄉縣西北寰宇通志

燕廣城君樂毅墓在縣南三里城家記

望諸君墓在良鄉縣治南三里近盧溝堤決役夫輿墓

碑築堤恐後無徵矣胡祭酒集

盧道將爲燕郡太守下車表樂毅霍原之墓而爲之立

祠魏書本傳

柳宗元弔樂生文并序許縱自燕來曰燕之南有墓



焉其志曰樂生之墓余聞而哀之其返也與之文使  
弔焉辭曰大厦之鶩兮風而萃之車亡其軸兮乘者  
棄之嗚呼夫子兮不幸類之尙何爲哉昭不可留兮  
道不可常畏死疾走兮狂顧徬徨燕復爲齊兮東海  
洋洋嗟夫子之專直兮不慮後而爲防胡去規而就  
矩兮卒陷滯以流亡惜功美之不就兮俾愚昧之周  
章豈夫子之不能兮無亦惡是之遑遑仁夫樹趙之  
惘欵兮誠不忍其故邦君子之容與兮彌億載而愈  
光諒遭時之不然兮匪謀慮之不長蹠陳辭以隕涕  
兮仰視天之泱泱苟偷世之謂何兮信一作余心之  
不臧柳先生集

弔望諸一自蒯生流淚後幾人曾讀報燕書玉茗堂

按冊府元龜霍原墓在蠡州

聖水出上谷東過良鄉縣南又東過長鄉縣北又東過  
安次縣南水經

琉璃河又名劉李河在涿州北三十里水極清泚茂林  
叢之尤多鴛鴦千百成群此河大中祥符間路振乘輅  
錄亦謂琉璃河唯嘉祐中宋敏求入蕃錄乃謂之六里  
河石湖集

良鄉縣南四十里有琉璃河自房山龍泉峪流至霸州  
人拒馬河又胡良河自房山經涿州入此河舊有橋長  
數十丈橋畔倚一鐵竿長數十尺蓋鎮壓之物俗謂王



彦章所遺鐵篙謬也其元恩咸濟二坊並世廟勅建長安客話

琉璃河卽金史所載之劉李河桑欽水經曰聖水出上谷孫汝澄曰卽琉璃河也燕都遊覽志

元延祐四年於琉璃河置巡檢司方輿紀要

永樂十六年七月修順天府琉璃河橋成祖實錄

嘉靖二十五年九月濬良鄉琉璃河置橋其上名其橋

北曰仙積南曰永明世宗實錄

雷禮琉璃河橋隄記良鄉縣迤南四十里村名劉李其地窪下為積流所滯有河一道志稱琉璃卽古聖水自房山縣龍泉峪諸泉會合於此經霸州東注拒馬河入海時逢霖潦散漫奔潰百餘里凡陸輓蹠馳

者動阻滯不能涉甚或四方驛奏坐視愆期嘉靖乙亥皇上駕幸承天覩民艱涉惻然憫之比鑿回勅工部尚書臣甘為霖督修為霖以病去不終其事越歲乙巳復命侍郎臣楊麟內官監太監臣陳準袁丁建石橋普濟各以績叙然無隄捍禦每遇溽暑水發環橋南北盡為巨河難以越渡往來病是者又閱八年矣會辛酉仲冬事聞當宁蒙諭尚書徐杲曰良鄉河橋屢勅大臣督理水勢漲未見東下茲帑銀八萬兩爾總領之勿令外知恐民費財也杲受命相度建議修築二隄專用條石中添小橋一座並設水溝以殺水勢其各漲丈尺數目畫圖貼說以進臣杲曰皇上體上天大德利濟元元吾輩職司橋梁道路不能先



事弭患致釐聖懷責實難辭况部庫所貯分毫皆皇  
上財也敢煩帑藏具疏請任事荷旨俞允於是委郎  
中臣王尙直員外郎曾一經同內官監太監臣楊用  
分理其規畫悉臣杲所定凡爲隄南北東西共長五  
百餘丈橋一座長四丈五寸濶三丈五尺高一丈三  
尺五寸水溝八道又親飭欽定元恩咸濟坊凡二座  
至壬戌孟冬報成上遣臣杲懸扁祭謝并溥賚有差  
於是臣杲立石屬臣禮頌述聖德垂示永久竊爲萬  
古稱盛治莫過於堯舜史臣稱其仁如天其德好生  
者以心存溥濟不忍一夫一區咨墊而已而橋梁道  
路尤爲王政所急今我皇福民利濟常存心于天下  
至誠懇切如元德包涵故一關民之病涉有若已貴

溺之不容以自已者其所以發帑藏普福緣不欲勞  
民費財真昭格乎穹昊之表與堯舜同一揆矣卽今  
石隄延袤與橋目連哀若橫帶使萬國輻輳而至澤  
及商旅農氓相與歌忭于途謳溢于野不與平成之  
績萬世同其永賴耶是役也臣禮不過祇奉德意率  
舉職事而臣杲之調度區畫實能爲九重分憂播之  
無疆不徒隨事効能而已因記其顛末以告來者

古

成大琉璃河詩烟林葱蒨帶回塘橋影驚人失睡  
鄉隄起寒帷措病眼琉璃河上看鴛鴦 石湖集  
文天祥過雪橋琉璃橋詩小橋度雪度琉璃更有清  
霜滑馬蹄遊子衣裳和鐵冷殘星荒店亂鳴雞 吟嘯



袁中道琉璃橋詩飛沙千里障燕關身自奔馳意自

閒日暮郵亭還散步琉璃橋上看青山珂雪齋集

嘉靖十八年四月巳亥良鄉離宮成初帝命於良鄉琉璃

河陽建立離宮至是適成庚戌帝次良鄉御離宮肅

皇外史

北涉溝南涉溝俱在縣東至涿州入桃水名勝志

聖水自涿縣東與桃水合首受涑水于徐城東南良鄉

西分涑水世謂之南涉溝卽杭水也水經注

南涉溝卽督亢水方輿紀要

北涉溝在涿州西北自涑水縣流入卽涑水也同上

涑水東逕涿縣北東流注于桃故應劭曰涑水東入桃

關駟曰至陽鄉注之水經注

隋楊君讓墓在陽鄉舊店西有古碑名勝志

水華佐元大定天下功冠群臣其孫安童年二十餘爲

世祖相安童孫拜住爲英宗相皆以忠勤正大爲一代

名臣東平其世封也拜住爲相奉命立安童碑于范陽

在今良鄉穀城山房筆塵

亭水魯翀駐蹕頌繼天體道敬文仁武大昭孝皇帝

卽位修明世祖皇帝隆平故事以故東平忠憲王之

孫司徒忠簡王之子拜住丞相中書至治元年詔若

曰忠憲弼我世皇功在社稷德在生民其勅詞臣卽

王所有范陽采地朔南康莊碑之昭示悠久冬刻銘

旣完丞相承詔歲事明年春正月帝幸涿州至碑所



秋九月幸易州還丙午帳殿碑垣之南駐輦御殿上顧丞相若曰汝祖考之績之盛世載帝室惟朕不忘亦惟汝之賢有以相朕益懋世德故丞相頓首謝翌日大官饌已上步自帳殿御金椅坐碑右丞相稱觴獻萬歲壽從臣以次進觴天顏和怡甚久迺去中州文表

元劉噐之五世同居英宗幸涿州臨其家旌異焉名勝志

按元史孝友傳稱史氏所載累世同居凡一十七門而無劉噐之則潛德未彰于史冊者不少矣

天津關在縣北百餘里自此而西至易州涑水縣出大

門凡十五關口中間差大者曰天門關口或云天津口一名大口宋嘉定六年蒙古破金人瀛莫等州自大口逼中都又元致和元年上都諸王梁王王禪等襲破居庸游兵至大口天曆二年明宗即位于和林北南還文宗迎之發京師明日至大口越二日次香水園又十九日次于上都之六十店所謂大口皆天津口也方輿紀要

固安縣在府西南一百二十里明一統志

固安本漢方成縣屬廣陽國後漢屬涿郡改成為城清類天文分野之書

聖水東逕長興城南又東逕方城縣故城李牧伐燕取方城是也魏封劉放為侯國水經注



晉屬幽州范陽國元魏屬范陽郡北齊省焉清類天文分野之書

隋開皇九年自今易州涑水縣移固安縣于漢方城縣地取漢固安縣為名其漢故安縣故城自在易州易縣東南七百步續通典

漢故安縣即今易州隋開皇中始改置于故方城縣界乃改故為固舊唐書

唐武德四年屬北義州移治歸義縣章信堡城貞觀元年省州以縣屬幽州清類天文分野之書

方城舊城在今縣東南十七里括地志

大曆四年改屬涿州方輿紀要周世宗伐契丹下關南瀛莫二州遣先鋒將劉重進先

發據固安即今縣治同上

遼金仍屬涿州金割以遺宋宋名涑水郡威德軍節度縣隸焉未幾金取之仍為涿屬邑元割屬霸州又改屬大興府中統四年升為固安州屬大都路洪武二年降為縣清類天文分野之書

縣治初無城郭正德辛未群盜起山東轉掠河北縣常被戕民始知懼知縣事西安王宇始創土城周方五里餘崇二丈三尺為門四東曰寧遠西曰豐樂南曰迎薰北曰拱極上各建層樓三楹嘉靖二十九年壽光蘇繼來知縣事改甃以甃四十四年知縣事河南何永慶增土加甃因舊制而重修之城濠則嘉靖中知縣事安陽李珙所鑿而何永慶重濬焉固安縣志



縣治在城西北隅其左為儒學學宮東偏有尊經閣金  
護國仁王寺佛閣也有飛騎尉兼管常平倉李成彥碑  
記正德丙寅知縣事太康劉湜并入于學宮同上

關侯廟在縣治西南金明昌中建元延祐三年重修殿  
懸義勇武安王廟扁後題延祐五年九月翰林編修官  
牛師厚書豫章李全撰碑同上

固安縣東北八里有張華村村人指石井欄八角曰故  
宅處帝京景物畧  
張華村臨桑乾河郡國志

按宛平亦有東張華村西張華村在西直門  
外八里莊相近蔣仲舒謂華宅在盧溝橋東  
而晉書本傳云方城八當以在固安者為是

臨鄉城在故方城縣南十里漢縣屬涿郡後漢省劉昭  
曰趙孝成王十九年與燕易上以臨樂與燕即此城也  
方輿紀要

獲澱水上承護陂於臨鄉縣故城西東南逕臨鄉南漢  
封廣陽王子須為侯國地理記曰方城南十里有臨鄉  
城故縣也水經注

福祿水出西山東南逕廣陽縣故城南東入廣陽水亂  
流東南至陽鄉縣右注聖水聖水又東南逕陽鄉城西  
不逕其北矣縣故涿之陽亭也地理風俗志曰涿縣東

五十里有陽鄉亭後分為縣王莽時更名章武即長鄉  
縣也按太康地記涿有長鄉而無陽鄉同上  
陽鄉故城在今縣西北二十七里後漢省晉復置為巨



鄉高齊天保七年省入涿縣其城亦謂之長鄉城 太平寰宇記

陽鄉魏收志作長鄉 方輿紀要

聖水縣西北有武陽城相傳燕昭王所築 城邑考

固安東南逕韓城東詩韓奕章曰溥彼韓城燕師所完

王錫韓侯其追其貊奄受北國鄭玄曰周封韓侯居韓

城為侯伯言為獫狁所逼稍稍東遷也王肅曰今涿郡

方城縣有韓侯城世謂寒號非也 水經注 竹書紀年

成王十二年王帥燕師城韓王錫韓侯命 竹書紀年

昔周宣王亦有韓侯其國也近燕故詩云普彼韓城燕

師所完其後韓西亦姓韓為衛滿所伐遷居海中 潛夫論

武王子初封于韓其時召康公封于北燕實為司空王命以燕眾城之 曹氏詩說

溥彼韓城燕師所完涿郡乃燕地也又有奄受北國之

言水經注聖水逕方城縣故城北又東南逕韓城東引

韓奕之言為證梁山恐是方城縣相近梁門界上之山

李氏詩譜

燕師所完鄭箋以燕為燕安王肅云今涿郡方城縣有

韓侯城燕北燕國愚謂詩云奄受北國肅說為長 困學紀聞

水經注聖水逕方城縣故城北又東南逕韓城東王肅

曰今涿州方城縣有韓侯城魏書地形志范陽郡方城

縣有韓侯城按史記燕世家易水東分為梁門今順天



府固安縣有方城村卽漢之方城縣也水經注又云濕水逕良鄉縣之北界歷梁山南高粱水出焉是所謂奕奕梁山者矣舊說以韓國在同州韓城縣竊疑同州去燕二千餘里卽令召公爲司空掌邦土量地遠近典事在力亦當發民于近甸而已豈有役二千里外之人而爲築城者哉召伯營申亦曰因是謝人齊桓城邢不過宋曹三國而召諸庶殷攻位蔡氏以爲此遷洛之民無役紂都之理此皆經文明證况其追其貊乃東北之巨而厥父之靡國不到亦似謂韓土在北匪之遠也

日知錄

韓侯城今縣南名韓若營者是

各勝志

固安縣西南十八里有土臺俗呼雀臺傳是趙李牧故

蹟同上

桑乾河自良鄉縣流注縣界又東南流入東安縣

于巨馬河

方輿紀要

桑乾河在縣西二十里至燕丹口分而爲二其一至通

州入白河其一逕小直沽入于海

各勝志

永樂二年十月修順天府固安縣渾河决岸七年六月

固安縣渾河决賀家口傷禾稼命工部亟遣官修築十

五年閏五月修固安縣孫家口堤岸

成祖實錄

正統八年六月渾河水溢决固安縣賈家口張家口等

堤詔隣近州縣協力修築十一年六月渾河水泛賈家

里張家口堤决命有司修築之

英宗實錄

正德中渾河堤决禾黍悉爲巨浸嘉靖初徙流縣北十



里入永清縣界 方輿紀要

巨馬河在固安縣理西一百一十里 太平寰宇記

盧溝河入縣境復分流入霸州界謂之巨馬河或謂之

安陽河周顯德六年世宗遣先鋒將劉重進據固安自

至安陽水作橋謀取幽州會有疾而還建文時燕王

兵固安渡巨馬河即此 方輿紀要

曲洛溝源自督亢陂經縣南東注方城泉 太平寰宇記

聖水東南流右會清淀水水發西淀東流注聖水謂之

劉公口也 水經注

涿州管下固安縣有獨流村 金人疆域圖

金張君墓在押敵村西北一里有石刻云故贈儒林郎

清河張君之墓明昌二年立石墓前石獸尚存 縣志

元宋侯墓在駝頭村西南半里有石刻云大元故武畧

將軍大都路都總管府判官宋侯墓翰林學士承旨歐

陽光書至正十四年立石 同上

栗園在縣界北魏孝昌三年上谷賊杜洛周遣其黨曹

紇真掠薊南幽州刺史常景運遣將于榮擊破之于栗

園是也 方輿紀要

永清縣在府南一百五十里 明一統志

永清漢益昌縣屬涿郡為侯國東漢省晉因之 清領天

文分野之書

巨馬水東逕益昌縣故城南漢封廣陽頃王子嬰為侯

國王莽之有秩也風俗記曰方城縣東八十里有益昌

城故縣 水經注



隋大業七年開渠通遼於縣西五里置通澤縣後罷唐如意元年改武隆縣景雲元年改會昌縣天寶元年改永清縣

清類天文分野之書

石晉時没于契丹周世宗復取之宋初為霸州治景祐

二年并入文安縣金復置

方輿紀要

金御史中丞李英元帥左都監烏古論慶壽領兵護軍食以援中都帝遣右副元帥神撒將四百騎迎戰石抹明安將五百騎繼之遇于永清將戰命士卒有敗金兵來追迴擊大破之死及溺死者甚眾獲李英及所佩虎符得糧千餘車遂招諭永清不降拔而屠之

元史

元屬大都路

清類天文分野之書

縣名取邊境永清之義地居渾河下流頻年為患一望

無涯僅遺城南三五村類覆舍而已長安客語

舊城周三里日久傾頽正德五年流賊突犯燬官舍劫

倉庫知縣事郭名世始拓土城袤五里餘隆慶二年署

縣事霸州判官王建議廢寺塔廟觀甃磚城後被大水

衝塌萬曆三十七年知縣王嘉績重修四十二年知縣

楊夢雄復修之

永清縣志

縣治在城西儒學在縣治西南元毀里軍都押司官蕭

薩八建化間遷于城東南隅翰林學士江楷作碑記

同上

縣治東南譙樓有鐘篆文斑剝莫辨歲月相傳唐貞觀末桑乾河決衝沒城垣得此鐘于水涘至今父老謂之自來鐘

同上



崇禎庚辰三月既望大風揚沙京營大將旗吹墮永清縣野老漫錄

永清城外東南隅百步有三塔寺蓋唐刹也石幢尙存上書大周聖曆元年二圍八因武隆縣令閻生元相奉為金輪聖神武皇帝造四面像翔浮圖一所供養後紀上桂國以下官名穴多堙滅上林彙考

金鵝廟在縣南三里廟祀關壯繆侯修葺時掘地得金鵝二翼故名草中有遼大安年所立石幢同上通澤廢縣在縣西五里方輿紀要

縣西北十五里辛密村龍泉寺有白石塔永清縣志史丞相天澤墓在縣西南二十里黑堡村墓前神道碑翰林學士土盤所撰同上

隆慶寺在城西叉口村殿前香爐石基遼乾統年所立乾統者遼天祐之紀年也當金人侵逼之餘奔亡之不暇而邦人猶宴然施梵宇以金碧為此不急之務亦可鑒已上林彙考

縣南拒馬河自霸州流經東安縣境又東入縣界而注于武清縣之三角淀卽廬溝河及易水之下流也方輿紀要

永清舊苦河患嘉靖三十一年水溢漂沒廬舍至萬曆三年巡撫王一鶚築堤障之延袤五十里及二十二年復抵縣界且逼城垣三十五年淫雨堤崩東城下又有巨蛇丈餘為祟知縣李循為民祈禱立祠水患漸息永清縣志



劉越石壇在拒馬河之陰晉太尉劉琨欲圖燕薊築壇與段匹碑軟血同盟翼戴王室今遺址尚存同上

幽州刺史段匹碑數遣信要劉琨同獎王室琨由是率眾赴之從飛狐入薊共討石勒匹碑推琨為大都督

血載書檄諸方守俱集襄國進屯固安以俟眾軍晉書雁月樓在信安鎮永清縣志

東安縣在府南一百五十里明一統志

東安古安墟黃帝制天下以立萬國始經安墟合符釜山即此長安客話

安次漢舊縣縣東枕永濟渠漢武帝以屬燕國王旦有罪削以屬渤海郡續漢書郡國志安次屬漁陽郡太平

寧字記

晉屬燕國後魏仍屬燕郡隋屬涿郡方輿紀要

唐武德四年徙置東南五十里石梁城貞觀八年又徙

今縣西五里常道城開元二十三年又徙耿就橋行市南遼史

遼金並因之元初屬大興府後屬霸州中統四年升東安州屬大都路洪武二年降為縣清類天文分野之書

至正十八年三月東安涿州柳林日有警報京師備禦四隅俱立大都分府元史百官志

易水出涿郡故安縣閭鄉西山東過范陽縣南又東過容城縣南又東過安次縣南水經

聖水又東逕渤海安次縣故城南漢桓帝中平二年封荊州刺史王敏為侯國又東南流注于巨馬河水經注



縣治舊在常道城東馭就橋行市南經渾河衝決洪武三年十一月主簿華德芳移治于常伯鄉張李店即今治也天順間始創土城弘治中始券城東門正德六年流賊猖獗知縣事周義急築垣浚濠補建西南北三城門嘉靖十六年知縣劉繼先名其門北口迎恩東曰曙海南曰通津西曰宗山二十八年知縣成印增修之次年甃以甃建角樓四天啓五年知縣鄭之城復修之給事中沈應時為作記

東安縣志

縣門譙樓鎗金大安二年鑄

同上

儒學在縣治西學之南有泮池池南有高壘

同上

廣嚴寺始建于縣西之郭外燬于兵英宗朝邑人孟士中捨已宅改創于縣西之郭內

同上

任風子成化中雲遊東安自謂得養生術而衣服垢敝又無容止人多不信頗以善奕為士大夫所邀一日在廣嚴寺看奕又有人於城外見其西行未幾人傳其尸解西山巖中究其日則分身之日也平日無他異獨冬月單衣體常沾汗而已

燕山叢錄

土樓在縣治東六里宋時為上兒衛臺高丈二尺盤一百六十步

東安縣志

奕臺在縣西八里宋為左奕衛其西有倉如土樓制名

勝志

劉琨墓在東安縣東二十里

明一統

安次廢縣在縣治西北四十里今名古縣

東安縣志

飛虹橋在故安次縣南跨界河川相傳漢元狩二年建



晉劉琨留飲于此 名勝志

舊東安州在縣西北四十里安次舊縣之西渾河水次

居民輳集名舊州頭 同上

元東安州廟學記國子監祭酒孔克堅撰文至正二十

四年六月立石又州北邵家莊鄉學記翰林檢討李繼

本異文 東安縣志

常道城在舊州頭西五里三國魏燕王宇之子璜封常

道鄉公甘露五年司馬昭迎立之北魏主宏封宇文英

為常道鄉公皆此城也 方輿紀要

安次縣有故棖道城 魏書志

白祀溝水出廣陽縣之婁城東南流左合婁城水水

出平地導泉東南流右注白祀水亂流東南逕常道城

西故鄉亭也西去長鄉城四十里魏少帝璜甘露三年

所封 水經注

枯溝自安次西北東逕常道城東安次縣故城西晉司

空劉琨所守以拒石勒也 同上

大石橋之流為東川西浮橋之流為西川八里迤西之

流為南川晉劉琨守此以拒石勒 東安縣志

常道鄉定覺寺唐垂拱三年建五代燬于兵遼天慶間

承直郎張銳復為建立至金天會四年成正隆間韓承

彥重修大定元年奉直大夫楊俊卿復新之又有古營

寺金明昌五年建團城寺明昌六年建俱有碑存 同上

大悲禪院在安次縣西閻家垓金天會六年僧行進募

民韓福林修有碑存 同上



留犢村在縣西北六十里魏鉅鹿時苗為壽春令及歸  
留犢而行回經于此因以名里各勝志  
寧國寺在留犢里金大定三年村民曹瑛建有碑存東安縣志

石梁城在舊州頭東南五十里或云南北朝時所置戍  
守城也其地又有崧州城相傳遼古喇王所置方輿紀要

盧王屯在常道鄉東南二十五里漢盧綰屯兵在此與  
劉賈夾攻取燕今名盧村東安縣志

長慶宮舊在廣平淀余天會三年移安次南五十里東  
接捺鉢南通番漢有大石橋以受諸國之禮今次平屯  
乃其舊址也同上

廣福寺元建在東安縣治西北四十里明一統志

廣福寺在故縣西北五十里金天會中建大定三年僧  
會頤請賜額東安縣志

廣善寺在徐村里固城莊唐之靈應寺也洪熙元年太  
監何至淵重修景泰三年立碑同上

淨安寺在固城上惠化鄉宣德八年太監張盛建正統  
四年賜額碑存同上

遼中丞韓澤墓在縣西北五十里更生村同上

葛城在縣治南三十五里宋建屯守于此同上

狼城在縣治南四十五里亦宋時所建同上  
盧溝河在縣西自固安縣流入境元皇慶初渾河水溢  
決東安境內黃塌隄一十七所是也又東南合霸州之



盧溝水至東安過耿就橋一分東至界河入土樓東南  
 一分西至界河入左奕西南今自盧溝橋下流從固安  
 縣經永清縣北東注自孫家垓一分派永清之南一分  
 派東安之西至隆慶末年分派于東安者又分為二一  
 由韓村至管家屯迤東似有奔縣之勢然離縣二十里  
 即停不行止在本屯前後左右為害一從韓村東南下  
 歷衡亭左奕朱村馬子莊至桃河頭萬曆二年積雨水  
 溢人畜漂沒知縣洪一謨力請築隄成賴以無患萬  
 曆六年馬子莊堤口決滄駱澆知縣韓景閔塞之九  
 年舊口復決知縣張汝蘊修之自是屢修屢決至二十  
 三年七月河徙于霸州泥河舊址盡成沃壤矣

東安縣

志

易水在縣南舊過安次縣界為固安河今與拒馬河同  
 為一川矣

同上

入丈溝水出安次縣東北平地泉東南逕安次城東

水

鳳河水一渠從西北流至鳳窩村雖隆冬沍寒水亦不  
 冰

名勝志

靈巖寺在鳳河南金大定五年僧洪寶建

東安縣志

蓮花泊在縣治南三十里甄家莊南東流經葛城入武  
 清

同上

白溝河在縣治西八十里其源自栲栳園流入縣境東  
 南抵武清直沽港

東安縣志



東沽港在縣南五十八里水自縣西渾河分流而東入武清縣三角淀

方輿紀要

垂楊渡在東沽港之北下通靜海縣夾岸垂楊凡數里

名勝志

張繼怨詩柳色凝青曙鶯聲散曉霞微茫連水國迢

遞見村家綠滿平田草紅開斷岸花流亡宜早復此

地足魚蝦同上

尼姑口昔人講水戰之具于此

同上

咸平二年詔聽邊民越拒馬河塞北市何承矩上言曰

緣邊戰權司自淘河至尼姑口屈曲九百餘里此天險

也太宗置砦一十六舖百二十五延臣十一人戍卒二

千餘部舟百艘往來巡警以屏奸詐緩急之備大為要

害今聽公私貿易則人馬交度深非便宜且砦舖皆為

虛設矣疏奏即停前詔

宋史本傳

自邊吳淀至泥姑海口餘亘七州軍屈曲九百里深不

可以舟行淺不可以徒涉雖有勁兵不能度也

宋史河渠志

咸平五年三月西京左藏庫使舒知白請于泥姑海口

復置海作務造舟令民入海捕魚因偵平州機事異且

王師征討亦可由此進兵以分敵勢先是置船務以近

海之民與遼人汎舟直入千乘縣疑有鄉導

之者故廢務至是令轉運使條上利害既而以爲非便

罷之

同上

香河縣在府東南一百二十里

明一統志



在漕河之東八里

香河本武清縣之孫村遼於新倉置權鹽院居民聚集

因分武清潞縣置遼史

遼屬析津府金初屬大興府承安三年屬盈州元初屬

大興府至元十三年置瀋州遂割以來屬洪武元年屬

瀋州今隸北平府清類天文分野之書

縣舊為土城正德二年始易以甌嘉靖四十二年知縣

事范經增高之城門四東曰淑陽南曰永明西曰迎恩

北曰拱極香河縣志

縣在城之西儒學在縣治之東洪武四年知縣韓瑒

所建也同上

未娶香河偶成朔風初定曉霜晴獨坐寒廳日轉楹

怪得無人來訴訟羽林獵騎盡還營燕石集

至元十一年十一月以香河荒地千頃置中衛屯元史

營前屯衛在香河縣治東本在舊大寧衛境永樂元

年移于此方輿紀要

駱駝港在縣北八里源自三河縣之兔兒山流經縣界

入白河名勝志

扳營口河源自通州之孤山麓流經縣西入于白河同上

香河縣境南有大龍灣小龍灣二水夏秋始合流經寶

坻縣界入七里海相傳遼時海運故道長安客話

百家灣在縣北其水無源四時不竭相傳有居人百家

淪没于山風雨昏晦尚聞雞犬之聲同上



隆安寺在縣治東明成化中重修有禮部郎中直文淵閣關西倪讓碑中書舍人直文淵閣廣昌王禮書

香河縣志

元大都路香河縣坊市西道院仁公塔記師諱定仁淑陽人俗姓陳氏幼出家禮隆安為師得法于幽居道人至元七年八月示寂大德三年八月比丘僧定

書丹

同上

鐵佛堂在縣東南十六里

同上

香河鐵佛寺舊有鐵佛像高丈餘元至正中佛見夢於僧曰吾緣法不當住此將辭汝去僧以鐵鑲鑲佛臂一夕竟移去東光寺獨所鑲臂存至今為寺供養

燕山叢錄

香城塔在縣南二十里

香河縣志

嘉靖十四年十一月香河縣郭家莊自開新河一道長一百七十丈闊五十一丈有奇較舊河近十餘里有司以聞命祭告河神

世宗實錄

日下舊聞卷二十五終



日下舊聞卷二十五補遺

京畿一

漢武帝時廣陽縣雨麥 述異記

房山之陰有石立于巖麓其長三丈其廣七尺首昂而俯足跂而歛濯之則色青而潤叩之則聲清而越米先生仲詔思致之海淀勺園中車重輪馬十駟既鑿百夫曳之登車七日始出山又五日僅達良鄉道上工力竭因臥之田間繚垣衛之覆以葭屋于是先生作大石出山記薛岡千仞戲代石報書先生復答石見報書一時傳為佳話吳中葛一龍震甫次良鄉見石為作長歌紀其事焉 長齋筆記

葛一龍次良鄉觀米仲詔憲長所移奇石歌塔窪村



北野草荒草間突兀孤雲蒼欲行不行氣若鬱將雨  
未雨天無光云是米家鑿山出百步千人移數日到  
此躊躇不肯前秦鞭無技楚力詘大木縱橫倒一林  
相爲枕藉歲年深或需天手妙神用或眷山祇萌故  
心我與之言叱之起幾時得波渾河水哈呀空洞宿  
陰霆鯨吞鰲簪立奇鬼主人好禮尊石公神物亦豈  
甘牢籠不如就此樹高閣居處日雲飛來峯筑語  
京師之南固安永清霸州文安等處京衛屯軍雜居人  
性驕悍好騎射往往邀路劫財輒奔散不可復人號爲  
放響馬賊近來內官用事谷大用馬永成張忠等皆羈  
州文安諸處人大盜劉七等嘗因內官家人混入禁內  
豹房觀上游幸之所及爲甯杲所遺遂聚衆拒捕後劉

瑾誅杲亦得罪繫獄因而作亂續世紀聞

馬錄永清遇雨作白日永清雨移時不肯休風雷當  
濫落河漢近城流牛馬誰堪辨蛟龍恐亦愁西歸途  
路失何處問孤舟百愚集

宣和四年更香河縣名清化宋史地理志

普安禪師至溫於固安作興化寺道園學古錄

邵雍詠樂毅詩樂毅事燕時其心有深旨破齊七十  
城迎刃不遺矢豈留卽燕善却與燕有二欲使燕遂  
王天下自齊始豈意志未伸昭王一旦死惠王豈不  
知使人代其位強燕自此衰何能復振起自古君與  
臣濟會非容易重惜千萬年英雄爲流涕擊壤集  
琉璃河石橋之右有鐵竿倚焉自扶闌至水底約長五



丈土人目爲王彥章鐵篙此不經之談也然是物不知  
所從來按大都宮殿考廣寒露臺石闌道旁有鐵竿數  
丈上置金葫蘆三引鐵練以繫之今驗竿首有孔疑卽  
其遺製蓋物在禁中莫有銷之者或因河水汎濫移此  
以鎮水怪未可定爾 說臆

宣和七年十二月幹离不陷清化縣壞鹽場時宣撫司  
蔡靖與運使呂頤浩李興權修葺城隍固結人心以爲  
守禦之備使銀牌使奏朝廷大臣謂郊祀在邇匿其奏  
不以聞 北盟會編

固安縣大水崩岸斷橋邊出一碑題曰橋崩天子過碑  
出狀元來其年武宗南幸過其邑次年辛巳邑人楊維  
聰狀元及第 玉堂叢語

良鄉縣儒學在縣治東南萬曆十八年知縣事余鏞勸  
社學上所曰天化曰厚俗曰燕谷口舊店曰交道曰官  
正順天府舊志

建隆元年三月契丹入寇棣州刺史河南何繼筠追破  
其衆于固安獲馬四百匹 續通鑑長編

咸平二年有詔聽民越拒馬河市馬知雄州何承矩言  
緣邊戰懼司自陶河至泥姑海口屈曲九百里許天設  
險固真地利也太宗置寨二十八舖百二十五命廷臣  
十一人戍卒三千餘部舟百艘往來巡警以屏姦詐緩  
急之備大爲要害今聽公私貿易則人馬交疲深非便  
宜若然則寨舖爲虛設矣上納其言卽停前 同上

王惲請起蓋良鄉縣南留李河橋梁事狀切見中都



迤南係四方官員客棧朝會經行驛程正路近體知  
良鄉縣南十三里有舊來經由留李河橋官道南至  
涿州六十里兵革以來橋廢不行目今靠西由繼陽  
套遶轉至涿州七十五里若經夏秋河水泛漲泥濘  
虛陷致使舖馬客旅來往生受兼繼陽套地形卑下  
村切遠窻接連溝澮屢常失盜深爲未便竊詳若依  
舊起蓋留李河橋道不惟道路高平徑直使舖馬客  
旅往返近三十餘里又免水潦泥濘之患官民實爲  
兩便伏乞御史臺備呈中書省行下相視改正施行  
烏臺筆補

鵲盛喧集戀餘春

秋澗集

灤州距今新都東南百里而近本漢泉州地遼爲鎮而  
亾金縣焉至元十有三年陞縣爲州從吏民之請也

王惲大都路灤州隆禧觀銘道家者流元默稱抱持  
其雌無所矜屋居火食相奉承鳶飛戾天魚在泓疇  
不若爾休其七爻因象設心自兢仍用善俗滋良萌  
灤州維南泉故城玉晨有菴無所營敝廬數間僅幪  
帟一旦締結三十楹烟光繚繚萬瓦青正自肯構今  
有成要擴師授昭子誠爲國迎祥禱上清鑿輿歲幸  
實省耕延芳春水紛霓旌游豫何啻歌三登千秋萬  
歲樂事并道人再拜乞此銘隆禧因之播永馨雲間



歎賞聞愾聲安知不有成公與同上

周縉字伯紳武昌人洪武中以貢入太學授永清典史靖難兵起一時守令相率迎降永清地尤近縉攝令事極力拒守顧其民寡弱爭先逃散縉度不可為懷印南奔吏部上言靖難時北平屬州縣官朱寧等二百九十人俱棄職遠避宜寘法典俱逮戊縉其一也忠節錄

詩云其追其貊燕師之北國也韓在燕北貊為韓之北國韓既歸于燕韓從而東徙漢初謂之三韓燕史

昆田謹按郭氏之說與潛夫論相發明

陳孚良鄉縣詩過盡長亭又短亭燕京初曉曉鐘聲呼童拂拭青藜杖早挂琴書上帝京觀光集

又良鄉早行詩西風黃葉館曉起候鐘聲騷吏張燈

以多知歲稔惡戶司奉行以為常然其堂故黃

得而也府故有候氣密室在東北陬歲久頽圯乃

就空廢中行事一切取文具無有言修葺者京兆新

城王公會稽朱公移書大司空請更作奏上報可乃

以公學之美貿財飭工即故址為室若干楹二公能

崇正道敬民事興敝補闕亦足以知其政矣賜閒堂集

永樂十三年二月甲申北京立馬神祠時行太僕寺卿

楊砥請立神祠于蓮花池上命翰林院考古今儀式

翰林院言古者春祭馬祖夏祭先牧秋祭馬社冬祭馬

步之神國朝南京祭司馬之神每歲春秋用豕一羊

一帛一於是命北京馬神祠設馬祖等神及司馬之神



五位每位用羊豕帛各一儀制淮南志



日下舊聞卷二十六

京畿二通州

通州在府東四十五里 明一統志

在漕河之西三里 漕河圖志

州秦屬漁陽郡漢為潞縣地仍屬漁陽郡 清類天文分野之書

高粱水東至潞縣注于鮑丘之水又南逕潞縣故城西

王莽之通潞亭也漢光武遣吳漢耿弇等破銅馬五幡

于潞東謂是縣也 水經注

公孫瓚斬劉虞虞從事漁陽鮮于輔齊用駙都尉鮮于銀等率州兵欲報瓚以燕國鬻彘素有恩信共推彘為烏丸司馬彘招誘烏丸鮮界得數萬人與瓚所置漁陽



太守鄒丹戰于潞北大破之斬丹三國志  
晉屬燕國後魏仍屬漁陽郡北齊時分置潞郡方輿紀要

隋開皇初罷入涿郡唐武德二年自無終徙漁陽於此  
置元州清類天文分野之書

元州領潞臨洺漁陽無終四縣貞觀元年廢州省臨洺  
無終二縣以潞漁陽歸幽州太平寰宇記

契丹既疆寇抄諸州皆徧幽州東十里之外人不敢樵  
牧趙德鈞為節度使於州東五十里城潞縣而戍之近  
州之民始得稼穡通鑑

金天德三年改黎陽之通州為濬州以此縣陞為通州  
元因之領二縣屬大都路今潞縣并入州領縣四三河

武清寶坻潮縣清類天文分野之書

通州取漕運通濟之義郡縣釋名

元既築城郭兵火之後祇編籬塞而已洪武元年閏月  
燕山忠敏侯孫興祖從大將軍徐達督軍士修城始甃  
以磚石周圍九里十三步高四丈六尺在潞河之西因  
以潞水為濠名勝志

城門四東曰通運西曰朝天南曰迎薰北曰凝翠各有  
樓通州志

宣德八年閏八月命都指揮劉斌董修通州城樓實錄  
通州距京城東四十餘里城中積糧數百萬石已巳之  
變也先南犯謀報欲據通州朝議先焚倉廩會周文襄  
忱至京師都御史陳儋敏鑑問計于周周曰若如此寇



未至而棄軍實非計也蓋若檄示在京官軍旗校預給一歲之糧各令戶支則糧歸京師又免輦運之費不數日寇至通州無所獲而去

長水日抄

新城景泰間築周七里有奇中有西南二倉蓋國家歲入東南漕運四百萬石折十之三貯于通倉故為城以屏蔽之

名勝志

成化十二年十一月鎮守通州都督同知陳達監察御史徐鏞奏通州密邇京師南北糧運積貯于此城池不可不謹正統十四年也先侵境以倉廩在西城外乃築新城障之倉卒經營未如制度舊城高三丈五尺堦口五尺臺廣三丈五尺而新城不及其半請圻舊城西面而展新城北角與相連接增其丈尺使上下齊一仍建

甕城敵臺於城北開一門以通河道上命達會巡撫汪霖覆勘以聞

實錄

新城連接舊城正德六年巡撫都御史李貢增崇之加五尺萬曆十九年復修南門題曰望帆雲表西門題曰尺五瞻天

通州志

李東陽重修通州新城記通州在國初為北平布政司之屬郡舊有城自文皇帝定都以來肇立京府並置州衛東南漕運歲入四百萬折十之三貯於州城既久且富乃于城兩門外闢地為西南二倉景泰間以外警復築城七里有奇環而翼之為新城時倉卒規制未備高止丈餘視舊城不及其半比年磚石剝落外內出入可登而越也正德辛未流氛為患剽都



御史李貢巡撫其地深以爲憂引水而環之三周已  
乃詢諸有司圖所以禦災捍患者上疏言天下之治  
與其有事而圖孰若先事而慮今番上京軍數千名  
方畱城守宜以其隙計工修築工郎分司有廢磚數  
十萬宜借以供用上命戶部左侍郎邵君寶兵部左  
侍郎李君浩工部右侍郎夏君昂率僚屬往相其宜  
悉如所議君又留罪人所贖金爲凡百費用新城舊  
基增築五尺其外爲甃內實以土上復爲堞墻六尺  
有咫而長廣皆如其數又爲敵臺其西南爲甕城重  
門懸橋皆舊所未有其爲役皆分番迭作人樂趨事  
不數月而成焉于是知州楊濟州學正洪異等謂茲  
役之重不可以無述介吾妻之從子岳序班梁以請

于余余惟天下大計不外于兵民兵共民所賴以生  
者必資乎食茲役也皆有賴焉若所謂先事而備則  
李君固言之卽唐李絳所以告其君者也顧位于安  
逸者恒以爲不足憂而張皇者又有所不及謀比盜  
賊芟刈畧盡遠近諸司猶晏安不復致慮而李君方  
矻矻不暇議者或以多事爲疑亦獨何哉予感其事  
因叙其始末爲方來者勸俾以羨財餘力益增而高  
焉其爲補豈小哉是役也巡按御史陳君祥巡倉御  
史詹君源實協其謀董其事者則分守都指揮黃璽  
等十餘人系之詩曰文皇建都治必南嚮州名曰通  
作我東障高城巍峩有兵有民漕河北來餉粟雲屯  
儲盈庾增新城是築有功弗終高及其腹月傾歲頽



寢不及前窺覘之患孰防未然屹屹臺臣出治斯上  
遭時多虞實備羣侮陳謨在廷惟皇聖明乃集羣議  
乃覩地形營兵如林時屬戍守且練且修工弗外取  
倉有餘粟緩有贖囚斯納斯出財弗外求因城爲高  
幾倍其半其周七里環彼三面望之巖巖卽之巉巉  
河流在陽其水潭潭前有連城後有埤壤越百餘年  
旣崇且廣古亦有言安不忘危惟臺有臣爲藩爲維  
金湯高深同彼帶礪守在四方傳于萬世 懷麓堂集  
唐文獻重修通州新城記通州古漁陽地相傳勝國  
前無城捍以籬寨其有城自洪武初忠敏侯孫興祖  
始其奏建二城以護西南二倉自正德間總督糧儲  
李德始其增修新城自嘉靖六年中丞李貢始今重

修新城以聯舊城使之唇齒相附則萬曆十九年 詠  
南晴江王公始公博大精敏負文武異才簡書之餘  
出就行部相度要害謂通州乃肘腋上流咽喉重鎮  
無若修新城爲急于是上其議旣疏尙制曰可公乃  
檄將吏捐朽剝蠹役夫悉取諸營軍不以煩父老經  
費悉出諸帑金贖緩及屯粟之餘不以括民凜商橐  
城高一丈厚尺有咫長一千三百四十丈有奇首城  
樓次角樓次窩鋪繚以周垣濬以溝塹工中程材中  
度延袤中地勢埤埴中準繩楛更而良老更而壯益  
自癸巳以迄乙未再浹歲而竣天子爲賞賚勤勞諸  
臣大小有差而中外諸君子亦無不樂成于是役者  
夫通州非郡邑之城天子之城也明王准以四方爲



守三輔爲衛此在居恒清晏則可脫一旦猝有事委  
之則資寇以飽敵守之則宵烽晝柝敗堞殘壘勢不  
足以相抵小噬臍大暴骨如英廟之己巳肅廟之庚  
戌其利害不可階歟今上垂拱二十餘年邊臣狙于  
恬嬉武備弛廢猶幸公身親畚鍤天險屹然仰拱京  
闕俯控天津將自今伊始謹葢藏收保聚貢道以肅  
屯積以固名雖重修而事若鼎勦昔者秋書築城者  
二十九獨叔敖城圻君子以爲敏子囊城郢君子以  
爲忠維忠與敏兼之則通州今日之役是已公名見  
賓號晴江魯人由甲戌進士至今官 占星堂集

崇禎四年督部范公景文閱視通州舊城東北新城西  
南皆受敵衝遂各建臺一座形如扇自左至右長十二

丈高三丈七尺虛其中以架礮

通州志

州治在城北門迤西洪武三年建儒學舊在州治西元  
大德二年知州事趙居禮建明永樂十四年重修正統  
十二年再葺有弋陽李奎碑記嘉靖四十二年知州事  
張守中撤而新之改建文廟于明倫堂之基學西舊有  
通惠書院去之改建明倫堂于其址州人程綬記其事  
于石 同上

吳澂通州文廟重修碑皇元有天下文教自京師達  
郡縣雖遐陬僻壤莫不建學設官以闡教事通州近  
在畿甸素闕廩給學官每至輒去不惟教事廢弛而  
孔廟亦且不葺將就傾圮永平楊齊賢繇豐潤縣教  
諭來爲通州學正思振厥職擇民間子弟可教者得



三十家籍之入學謂之誦書白之官府而復其身州  
之叅李侯與州之長協心主張于上於是人願出力  
以修廟學至治二年七月役興八月績成孔廟正殿  
東西兩廡爰及外門上瓦下甃朽壤一新講堂敞壞  
蓋覆而塗堊之前後牕牖中外甃砌悉備其所未備  
其南則敞門塾一間其北則續檐宇三間學者遂有  
藏息之所廟之南墜穿碑刻加封詔書示永久積年  
之頹靡一旦而完整雖曰學官之勤徽州官挾持之  
功胡能致是哉古之牧民者常以以民孝悌忠信爲  
急務通州之官能用意於廟學不敢後庶幾不愧古  
良牧之政矣州長名速朗吉大其官承直李侯名也  
先其官承事在州多惠政通民便之初榆河之西有

閒田欽依至元三十一年詔旨撥隸州學後運官奪  
取造廬舍而私其餽利齊賢愬于官戶部禮部暨監  
察御史直其說以昇州學如初今齊賢又以餘暇率  
所轄三河縣之民修其縣之廟學槩可書也 吳文正  
公集

城西北隅有佑勝教寺內建浮圖十三層高二百八十  
尺下作蓮花臺座高百二十尺周圍百四尺虛其中以  
祀佛攷斷碑泐于唐貞觀七年塔頂有鐵矢一相傳金  
將楊彥升所射迄今猶存每天氣清朗塔影遠垂映白  
河中作搖動勢 名勝志

然燈佛塔建自後周宇文氏貞觀中尉遲敬德修元至  
德間薦烈日述再修 帝京景物畧



開平王常遇春祠在舊城南門內東隅明太祖時勅建  
以燕山侯孫興祖配每年春秋上丁有司致祭通州志  
通州南門內有鄭國公祠碑稱公下通州嚴戢士卒民  
不知有兵愛公如父母公薨喪過通罷市迎哭其醜財  
立廟稗史言常將軍剽銳嗜殺所至縱士卒殺掠故兵  
鋒爲一時冠獨於北方能爾蓋知天下將平行事當與  
草昧時異也燕山叢錄

王直重修開平忠武王廟碑正統十二年秋八月通  
州守臣李經言州城東南隅舊有廟以祀開平忠武  
王常遇春蓋洪武三年奉勅建每歲春秋守臣以少  
牢行禮庭下載在祀典今八十年矣修治不繼日入  
于敝思無以稱朝廷崇德報功之意請繕完如法制

曰可命工部聚材鳩工撤而新之通州諸衛及州所  
屬縣各以丁夫給役且命總理通州諸務都指揮僉  
事陳信督之命既下文武吏士奉承惟謹財不徵而  
集工不召而至知者效謀壯者效力作正殿翼以兩  
廂前啓三間旁列厨庫凡諸象設靡不畢備弘麗廣  
深有加于昔經始于九月巳酉而以明年四月成惟  
王以忠信智勇佐太祖渡江削平東南郡縣遂議北  
征車駕至汴申命大將軍徐達而王爲之副天聲所  
臨無思不服王先至通州禁侵暴務安輯人不知兵  
市不易肆皆愛戴如父母遂收燕都明年平河東入  
秦元之敗卒復侵通州王還兵拒之州人免于荼毒  
其德王尤深既率師破開平大俘獲而還至柳河川



以疾薨柩歸過通州州人皆罷市迎哭既去而念之不衰飲食必祭上思王之功不知民之感慕如此此廟之所以作也王生為上公沒有顯號而廟祀永久其在京師尤盛此特其別祠耳

王文端公集

靖嘉寺在州治東原名慈恩寺元至正二年建天順二年賜今額弘治十年災正德十年重修建俗呼為大寺

通州志

文彭宿通州靖嘉寺詩古寺荒烟合巍然三殿存迴廊餘磴石曲徑滿苔痕歲久罕恩暗庭閒鳥雀喧河

文博士集

通州衛在州治南建文四年成祖置衛于此又有左右二衛俱永樂中建

方輿紀要

神武中衛亦在州治南建文二年燕王所置又有定邊衛在州治西南則建文四年所置也

同上

靖安寺在州治東南金大定十三年建

通州志

悟仙觀創于元至正初明宣德三年因舊址拓之建通明殿

同上

南臺坡在舊城南關有元潞陽郡公李廷墓天啓初八潦岸崩墓石盡露乃藝文監丞揭傒斯所撰土人錄其文仍取土揜之

同上

揭傒斯潞陽郡公墓誌畧天曆元年春二月八日淮東宣慰使李公薨贈通奉大夫江西等處行中書省叅知政事護軍追封潞陽郡公謚忠靖元統二年冬十有一月念二日其配潞陽夫人柴氏薨十有二月



六日合葬通州潞縣之南臺坡先塋嗣于世安請銘  
公諱廷宇瑞卿其先漳南人今家京師起家京尹曹  
由將仕郎十遷為中奉大夫 秋宜集

通州倉戶部歲委員外郎一人主事四人或七人或九  
人監出納之政其所居公館中有團亭有事議焉有客  
謙焉皆於斯在 容春堂藁

元通州十三令曰有年曰富有曰廣儲曰盈止曰及秣  
曰廼積曰樂歲曰慶豐曰延豐曰足食曰富儲曰富行  
曰及衍 禁扁

延祐六年七月通州瀋州增置三倉 元史

永樂七年七月修通州衛倉十三年二月設北京通州  
左右衛神武中衛定邊武清五衛倉十六年八月置通

州衛通濟倉 成祖實錄

景泰六年二月增置通州倉 實錄

西倉在舊城西門外新城中谷呼大倉永樂七年建中  
倉在舊城南門內永樂中建南倉在新城南門內天順  
中添設東倉在舊城南門內亦永樂中建隆慶三年  
并中倉 通州志

宣德五年添設戶部尚書一員專督倉場後或用侍郎  
無定銜俱不治部事嘉靖中令兼理西苑農事隆慶初  
罷兼理萬曆九年裁革命本部侍郎分理之十一年復  
設 國朝典彙

宣德間設總督倉場太監一員正德間添置二三員嘉  
靖間裁革正統間設監督倉糧太監一員至正德間添



至十七八員嘉靖初止留二員至十四年盡裁革

通州志

戶部尚書梁材奏本朝酌古定制監局等官供事于內  
府部等官分治于外具載祖訓體統截然若京通等倉  
戶部職掌督收則有侍郎郎官巡視則有御史綱舉目  
張萬世無弊宣德正統以來始用內臣亦止一二而已  
正德間陸續增置一羊九牧需索多門虐害輓卒漕政  
大壞宜一體裁革以復聖祖設官分職之典從之

儉庵疏議

新城西南隅爲工部廠廠以其屬主事一人領之所治  
不一其事而惟修倉掌收甄料爲專職正德成寅海陵  
華源楚來領廠事外關重門內廣廳事總爲舍百二十

楹乃立石廳事題名其上而通政司使楊杲爲之作記

通州志

潞河驛隆慶中被火萬曆五年秋因舊址興工驛西爲  
總會舖東爲來賓館後爲撫夷館其扁額曰四方來同  
曰漁號曰綸音曰不皇曰來賓曰歸心曰向化

快雪堂集

潞河一名沽河一名鮑丘水北自檀州密雲縣界流人  
魏氏土地記距縣城西三十里有潞河源出北山南流  
謂此水也

太平寰宇記

潞水自塞外丹花嶺合九泉水一南經安樂故城與螺  
水合爲東潞河一南經狐奴故城與鮑丘水合爲西潞  
河長安客語



潞河東半里許有潞沙曹操征烏丸袁尙等鑿渠自滹  
沱山派水入潞沙卽此地也許奉使行程錄

沙之潞縣有潞水卽露河也路史

潞河鐵後魏元季物燕都遊覽志

遼聖宗統和五年幸潞縣西放鷓鴣擒鷺十二年十一月  
漁于潞縣西灤十四年六月漁于潞河遼史

馬祖常通州詩潞水年年沙際流都人車馬到沙頭  
獨憎楊柳無思送盡行人天未秋石田集

貢奎州道中作萬雉參差雲霧開四千里外客重  
來平岡口出車牛喘古道塵飛驛騎回白玉至今傳

楚璞黃金自古說燕臺高樓紅旆應如昨莫遣新愁  
別馬尋雲樹楚璞詩

傅若金潞縣舟中寄楊上舍詩買得吳船繫柳根潞  
河新雨過黃昏都門只隔烟中樹一夜尋君苦夢魂  
春風亭館看花時自變新聲教柳枝只恨秀娘空第  
一不會歌得斷腸時傅與礪詩集

貢師泰發通州作日日思歸未有期及歸翻恨數年  
遲開船聽得吳歌起絕似闔門送別時玩齋集

張翥早發潞陽驛詩征車如水響如絲望入金河欲  
曙時萬里山川環拱把九天宮闕起參差風林泥泥  
秋多露野淀後後曉有澌三十餘年觀國願白頭今  
日到京師曉庵集

陸顛潞河詩久住頻看雪天寒未見花經年常在客  
聽雁忽思家春重眠多夢年侵鬢有華何由遣懷抱



惟仗醉流霞 頤光先生集

謝遷曉發潞河作千里中心逐雁飛晨光初動尚熹  
巡送迎深媿勞真從今昨何煩問是非自在沙鷗眠  
岸廻淵零霜葉挂林希十年京洛歸來晚猶喜緇塵  
未染衣 木翁歸田集

林春澤出都次潞河作朝發都城闕夕宿潞河舟雁  
落沙渚淨霜降菰蒲秋天寒節物換河漢曉夜流回  
望郭隗臺黃金不可求廢典已陳迹懷古心悠悠 人瑞翁集

陳師潞河舟中作夾岸垂楊青可憐出門仍是葛衣  
天鄉書不到東吳雁客夢重尋潞水船季子貂裘無  
那敵王喬鳧舄幾時旋年來作客渾南北囊底曾無

黃酒錢 復生子稿

簡霄潞河舟中作潞水經年別風塵又覺非岸蘆迎  
棹舞檣燕掠人飛澤國魚梁竭江城候吏稀人煙沙  
草外一縷起斜暉 蓉泉集

潘恩潞河晚泊詩水宿鼉龍窟波翻蘆荻風漁燈然  
夜月客思渺秋空人似長卿病途非阮籍窮平生霄  
漢志進上任飄蓬 潘恭定公集

陳暹發潞河作扁舟發潞河駕言返舊服津路多邇  
廻舟行往如復回首黃金臺宛然猶在目仲春天氣  
和新鶯上喬木菁葱布丘甸牛羊散平陸緬懷滄洲  
間栖遲動信宿 拚鏡集

范言詩烟沙潞河觀客思奈愁何殿閣天非遠江湖



夢已多月憐清夜  
柝風想早朝  
珂短燭傾燕酒  
孤蓬聽楚歌

青陽集

黃鳳翔告歸發潞河作方朔本吏隱相如常病渴明  
時許乞身初衣辭魏闕  
萃車逐扁舟長河接溟渤  
舳艫爭唱呼鷗鷺  
閒出沒帆影日外落津頭  
棹歌歇舉酒酬暮雲  
卷簾對夜月悠然萬里心  
頓與江天豁

黃宗伯集

沈啓原潞河留別錢給事詩扁舟南下更依依  
兩地含愁共落暉  
欲別他鄉手頓執  
每思故里夢先歸  
黃金臺上龍媒老  
白鷺洲前雁影稀  
縱說江城春色早  
可同帝里遍芳菲

存石居士集

州東二十里白河源出宣府衛龍門所東滴水崖東流

入密雲縣北境之石塘嶺過縣西入通州界其支流亦  
從石塘嶺之懷柔縣順義縣東入通州東境合焉東  
南經灤縣武清縣東而入直沽合衛河入海一名潞河  
亦曰沽水水經鮑丘水出禦厓鎮北塞中俗謂之大榆  
河南通潞縣爲潞水後漢建武二年遣將鄧隆討彭寵  
于漁陽隆軍潞水南爲寵所敗宇文周宣政初幽州人  
盧昌期起兵據范陽高寧時據和龍引兵聲援至潞  
水昌期已爲周軍所平乃還唐武后萬歲通天二年契  
丹孫萬榮作亂寇掠河北諸州旣而攻之潞水東爲其  
下所殺宋宣和六年金幹離不自平州破檀薊至三河  
郭藥師迎戰于白河敗還遂以燕山一路降金明嘉靖  
二十九年古北口有警御史王忬馳至通州收漕舟艤



潞河西寇阻水不得渡是也方輿紀要

白河在鄆州東四里北出通州潞縣南入于通州境又東南至香河縣界又流入于武清縣境達于靜海縣界至元三十年九月漕司言通州運糧河全仰白榆渾三河之水合流名曰潞河舟楫之行可年矣今歲新開濬河分引渾榆二河上源之水故自李二寺至通州三十餘里河道淺澁今春夏天旱有止深二尺處糧船不通改用小料船搬載淹延歲月致虧糧數先是都水監相視白河自東岸吳家莊前就大河西南斜開小河二里許引榆河合流至深溝壩下以通漕舟今丈量自深溝榆河上灣至吳家莊龍王廟前白河西南至壩河八百步及巡視知榆河上源築閉其水盡趨通惠河止有白

佛靈溝一子母三小河水入榆河泉脈微不能勝舟擬自吳家莊就龍王廟前閉白河於西南開小渠引水自壩河上灣入榆河庶可漕運又深溝樂歲五倉積貯新舊糧七十餘萬石站車輓運艱緩由是訪視通州城北惠通河積水至深溝村西水渠去樂歲廣儲等倉甚近擬自積水處由舊渠北開四百步至樂歲倉西北以小料船運載甚便都省准焉通惠河自通州城北至樂歲西北水陸共長五百步計役八萬六百五十工大德二年五月中書省劄付都水監運糧河堤自楊村至河西務三十五處用蓄一萬九千一百四十束軍夫二千六百四十九名度三十日畢於是本監分官率濠塞至楊村歷視壞隄督巡河夫修理以霖雨水溢故工役陪元



料自寺洶口北至蔡村清口孫家務辛莊河西務隄就  
用元料葺草修補卑薄剝築月隄頗有成功其楊村兩  
岸相對出水河口四處葺草不敷就令軍夫採刈至九  
月住役楊村河上接通惠諸河下通滹沱入江淮使官  
民舟楫直達都邑利國便民奈楊村隄岸隨修隨圯蓋  
爲用力不固徒煩工役其未修者候來春水涸上乾調  
軍夫修治延祐六年十月省臣言漕運糧儲及南來諸  
物商賈舟楫皆由直沽達通惠河今岸崩泥淺不早疏  
浚有礙舟行必致物價翔湧都水監職專水利宜分官  
一員以時巡視遇有頽圯淺澁隨宜修築如功力不敷  
有司差夫助役怠事者究治從之至治元年正月十一  
日漕司言夏運海糧一百八十九萬餘石轉漕往返全

藉河道通便今小直沽汊河口潮汐往來淤泥壅積七  
十餘處漕運不能通行宜移文都水監疏濬工部議時  
農作方興兼民多艱食若不差軍助役民力有所不逮  
樞密院言軍人不敷省議若差民丁方今東作之時恐  
妨歲事其令大都募民夫三千日給傭鈔一兩糙粳米  
一升委正官提調驗日支給令都水監暨漕司官同督  
其事四月十一日入役五月十日工畢泰定元年二月  
福府臣奏臨清萬戶府言至治元年霖雨決壞運糧河  
岸宜差軍修築臣等議誠利益事令本府差軍三百執  
役從之三年三月都水監言河西務菜市灣水勢衝嘴  
與倉相近將來爲患宜於劉二總管營相對河東岸截  
河築隄改水道與舊河合可杜後患四年正月省臣奏



准樞府差軍五千大都路募夫五千人日支糙米五升  
中統鈔一兩本監工部委官與前衛董指揮同監役是  
年三月十八日興工六月十一日工畢致和元年六月  
六日臨清御河萬戶府言泰定四年八月二日河溢壞  
營北門隄約五十步漂舊椿木百餘崩圯猶未已工部  
議河岸崩推理宜修治既都水監會計工物各處支給  
其役夫三千人若擬差民方春恐妨農務宜移文樞密  
院撥軍省准修舊隄岸展濶新河口東岸計工五萬九  
千九百三十七用軍三千木匠十人天曆二年三月漕  
司言元開劉二總管營相對河北舊河運糧迂遠乞委  
官相視復開舊河便四月九日奏准差軍七千委兵部  
員外郎鄧衡都水監丞阿里漕使太不花寺督工修浚

後以冬寒候凍解興役三年工部移文大都於近甸募  
民夫三千日支糙粳米三升中統鈔一兩兵部改委辛  
侍郎暨元委官修闢至順元年六月都水監言二十三  
日夜白河水驟漲丈餘觀音寺新修護倉隄已督有司  
差夫救護令水落尺餘宜候伏槽興作元史

洪武二十四年春正月北平布政使司左叅政周偉言  
通州白河北接大山諸河水道東南至直沽海口每霖  
雨時降水湧泛漲橋梁頽圯修築勞民其通州舊有糧  
船六十餘艘罷運已久宜改爲浮梁于白河之上以便  
經行書奏命廷臣議行之明太祖實錄

永樂十三年十月上獵近郊經白河之上顧侍臣曰朕  
昔靖難時嘗冬月欲渡此河甫至河而水合遂濟師當



時亦豈計有今日神明之相未嘗忘也遂親爲文遣都督譚廣以特牲祭河

成祖實錄

永樂十五年十月修通州城東白河富河橋

同上

宣德三年七月命通州修白河富河橋梁四年九月上謂行在工部尚書吳中等曰天氣向寒白河等處人難徒涉當治橋梁中奏惟白河水深沙溜橋梁難成宜用官船爲梁以濟餘皆用民修治從之

宣宗實錄

正統元年十月造通州白河浮橋以馬快船及預備運甓船爲之三年十二月工部奏通州白河自正統元午水溢決孩兒等口傷民田稼請令把總都指揮同知劉斌及通州發夫築塞之上從其請且曰河決非細事再踰年乃言之何緩也工部言今年二月始得順天府實

報上命下順天府尹姜濤通州掌州事治中楊衍于獄

九年三月修通州富河白河橋

英宗實錄

白河自密雲南至牛關山與潮河合流至通州入直沽

一名白遂河

明一統志

河兩岸皆白沙不生青草故名

通州志

都城經通州六十里爲大通橋河通州至直沽三百六十里爲白河

漕船志

秦使天下飛芻輓粟起于黃埗琅琊負海之郡轉輸北河北河蓋卽白河也隋煬帝穿永濟渠引沁水北通涿郡蓋自白河入丁字沽由易水而達于涿也唐明皇幸邊功運青萊之粟浮海以給幽平之兵蓋亦由白河也宋太平興國中於清苑界開徐河雞距河入白河以通



關南漕運元至元中海運出直沽入白河以抵京師接  
桑乾河自盧溝橋東南流經固安縣楊先務又經霸州  
苑家口合灰河渾源川崞川胡良河琉璃河廣陽河鹽  
河至武清縣丁字沽凡四百餘里入白河自楊先務至  
丁字沽通舟楫又保定府西北曹河徐河石橋河一畝  
泉河滋河沙河鴉兒河唐河諸水發源不一至安州西  
北十八里合流總名易水過安州至雄縣南又名瓦濟  
河東北經保定縣貓兒灣又會中堡河長流河溫義河  
拒馬河白溝河至霸州苑家口與桑乾河合自安州至  
丁字沽四百餘里通舟楫又鐵釘竿河自博野縣東北  
流至河間府數支繞城而北相合東北流五十餘里至  
市莊分爲二一自市莊西北十五里流經任丘縣南分

爲二遶城而北相合東北流二十餘里至武蓋淀一自  
市莊東北流經東莊橋至武蓋淀二水又合東北至貓  
兒灣與桑乾河合自河間府至丁字沽五百餘里任丘  
縣至丁字沽四百餘里俱通舟楫按此則白河西北可  
通固安縣又可通安州東南可通河間府桑乾易水亦  
可以漕運無疑矣抑燕趙之間地方千里其間巨細河  
流悉至武清縣丁字沽注于白河故一遇雨潦白河滿  
溢武清縣要兒渡口南蔡村等處衝決隄岸壞民田廬  
起夫築塞勞費萬計逮時乾旱舟行白河又或淺阻以  
此知水勢盈涸不常不可以經久而論也

漕河圖志

蔣山卿白河寒望詩極目空原野蕭條此水村茫茫  
河自白慘慘月初昏遠岸迴蒲口寒潮接海門扁舟



忽漁唱楚客正傷魂

南泠集

平谷故城漢縣廢城在今潞縣北

太平寰宇記

州北平谷城漢所置縣屬漁陽郡後漢建武初光武遣十二將追破大槍五幡于平谷卽此晉省石趙復置北魏太平真君七年廢入潞縣

方輿紀要

石壩在州城北嘉靖七年建京糧從此盤入通惠河上壩在州城東通糧從此起車運入西倉南倉中倉萬曆二十二年郎中于仕廉相舊蹟建新開開陞濟漕省費甚多

通州志

普濟閘距平津下閘十三里至元中建上下二木牀延祐後易以石廢上牀

水部備考

溥濟上下二牀相距五里元至元二十九年始建木牀

名揚尹原延祐以後修石牀改名溥濟

漕河圖志

正統八年九月修通州普濟牀

英宗實錄

通流上下二牀上牀在州治西門外西至溥濟下牀十  
里下牀在南門外西北至上牀五里元至元二十九年  
始建木牀曰通州牀延祐以後修石牀改名通流

漕河圖志

通流閘西至普濟閘十二里至元中始建二木閘名通  
州延祐後易以石併二閘為一改名

水部備考

宣德七年八月修通州道韓河

宣宗實錄

臥虎橋在北關月城外舊以板為之萬曆六年工部郎  
中李燾易之以石

通州志

寶通寺在新城南門外明天順七年太監張文鋒建賜



額同上

葉元玉寶通寺詩詰朝載酒寶通寺食盒春粲但小  
裝千里春風傷鬢雪十年塵夢愧松篁綠陰屈指無  
三月白日題詩共一堂醉後浩歌還起舞不妨人笑  
老夫狂 古廉集

正統十一年八月建通州八里莊橋命工部右侍郎王  
永和督工 實錄

八里莊橋即永通橋在普濟閘東正統十一年勅建祭  
酒李時勉作記 通州志

李時勉永通橋記通州城西八里有河京都諸水會  
流而東河雖不廣每夏秋之交雨水泛溢常架木為  
橋比舟為梁數易輒壞內官監太監李德以聞于上

欲于其地建石橋乃命司禮監太監王振往經度之  
總督漕運都督武興發漕卒都指揮僉事陳信領之  
工部尚書王邕會計經費侍郎王永和提督之又命  
內官監太監阮安總理之橋東西五十尺為水道三  
券券與平底石皆交互通貫錮以鐵分水石護以鐵  
柱當其衝橋南北二百尺兩旁皆以石為闌表二坊  
題曰永通橋蓋上所賜名也又立廟以祀河神經始  
在正統十一年八月告成于十二月明年三月立石  
古廉集

通惠祠嘉靖四十五年建以祀監察御史吳仲有督學  
御史慈谿顏鯨碑記 通州志

通州城北五里有黃船埠河水縈洄官柳陰映永樂中



設黃船千艘以其半輪往江浙織造俗名黃船塢同上  
富河在州城北源出甕山自白羊口經榆河下流為沙  
河由順義縣南界流至州城東北與白河會焉同上  
高麗莊在州西十五里盧溝河所經又州西二十里曰  
大黃莊州西十里曰東流村州東十里曰召里店皆官  
軍巡哨處也方輿紀要  
州境有煙墩五日召里店烟郊東留村大黃莊高麗莊  
又有馬房八俱在州北二三十里內又草場三日崇教  
鳴玉花園俱在城西南十里邊防考  
御馬死在京城外鄭村壩牧養御馬大小二十所相距  
各四三里皆繚以周垣垣中有廐垣外地甚平曠羣馬  
畜牧其間生育蕃息明一統志

景泰三年二月造駝房三十間于鄭村壩實錄

天順四年閏月駕幸鄭村壩閱仗馬英宗實錄

通州北二十里地名壩上成祖靖難與南兵戰失利追  
兵甚逼前阻大溝成祖惶遽無措祝所騎青驄馬曰汝  
能超此溝以脫吾厄否遂策馬連超三溝力盡遂死後  
建馬神廟於壩上塑馬廟中與神同祭之歲久成怪常  
夜出蹂踐禾黍居民苦之潛毀其像遂不復塑燕山叢  
錄

京師諸祭皆領于祠官惟壩上馬房別自建祠以元旦  
冬至聖節遣內侍主祭光祿寺具品物不領于祠官通  
禮小品

太僕寺每年祭馬神在通州北四十里安德鄉鄭村壩



春祭在二月二十二日秋祭在八月二十八日前期題請遣少卿一員行禮問政要覽

王鏊重建馬神廟記通州地高寒平遠泉甘草豐彌望千里太宗皇帝詔作馬神廟在州之北地曰霸上鄉曰安德旁為御馬苑凡二十所弘治九年三月重葺十年二月告成銘曰兢兢國馬於甸之埜散焉如雲駢焉如雨有廟言言在潞之陽始誰作之自我文皇有崇其祀其自今始神始降祥人惟致喜昔在衛文亦有魯僖心維寒淵思亦無期功以才興亦以脩毀琢石饒辭爰告來禴王文恪公集

倒馬坡在安德鄉相傳都一十安倒馬處通州志靈應寺最勝寺俱有勅建碑在鄭村壩順天府志

正德二年五月命戶部查給最勝寺剪馬房草場地十頃與寺作香火且瞻護太監錢喜錢福錢能墳塋劉瑾所乞也武宗實錄

將臺在通州西二十五里中山武寧王徐達建寰宇通志

將臺有三其二在州城西相傳武寧王徐達建或曰唐薛仁貴征遼所築用席壘土為之其一在州城北通京師東直門中路舊傳慕容氏拜將臺也名勝志

金幼孜過將臺追憶先皇作憶從先帝北征時親奉鑿輿誓六師威駕風雲嚴號令陣分龍虎耀旌麾指揮掌握真無敵駕馭英雄政有為一自鼎湖仙去後幾回過此重增悲金文靖公集



金盞兒淀在州北二十五里廣袤三頃水上有花如金盞因名或云卽古夏謙澤

方輿紀要

淨業寺在通州南一十五里

燕都遊覽志

陸光祖重修淨業禪寺記畧通州之南十五里有淨業寺唐大曆間淨業院之故址也宣德三年因其址建寺建而復圯嘉靖中大學士西蜀趙大洲先生與寺之律師時寶爲方外交乃捐金構材重修之予亦佐其費迄萬曆五年工乃成又八年余遷官留都舟南下經寺前入宿律師丈室因爲作記

陸莊簡公集

張家灣在州南十五里元萬戶張瑄督海運至此而名東南運艘由直沽百十里至河西務又百三十里至張家灣乃運入通州倉蓋盧溝河與白河會流處也

方輿

紀要

張家灣爲潞河下流南北水陸要會自潞河南至長店四十里水勢環曲官船容舫駢集于此絃唱相聞最稱繁盛

長安客話

張家灣今置巡檢司在土橋西鹽倉批驗所在烟墩南

名勝志

竹木局建于通州自永樂始其抽分有二八九一之額舊制張灣之澚設有大通關巡檢司通關竹木局又以大使領之桴筏至者各列其材木板枋之多寡長短濶狹厚薄之差等以達之關司長關司長據所差等較勘虛實而上之巡倉御史御史據所陳報而下之竹木局使如例抽之其署額日抽分竹木廠

通州志



行在戶部侍郎王佐言通州至河西務河道淺狹漕船動以千計兼四方商旅舟楫往來無港汊可泊張家灣之西舊有渾河若疏濬近京師一二十里更加充廣潞爲巨浸令可泊船公私俱便上命都督馮斌尙書李友直同佐審視宣德七年冬十月斌等以圖進上以其役重大命姑止

實錄

正統元年十一月修張家灣通濟倉先是管糧通政使李暹奏欲移置張家灣通濟倉于通州行在戶部工部議如所請令漕運總兵官都督僉事王瑜量遣運糧軍三千人興役至是瑜奏臣所領運糧船二萬有奇今兩處交納河道稍得踈通若并于一處不免阻塞况通濟倉雖有損敝易爲修葺若欲移之則所費數倍三千人

必不能辦請仍舊修葺爲便從之

英宗實錄

御馬監太監于經寵幸嘗導上於通州張家灣置皇店權商賈舟車徼至檐負亦皆有稅中外怨之其請祠額者則香山碧雲寺所自置瑩域也工作糜費以百萬計上亦嘗幸焉

武宗實錄

正德十六年八月戶部左侍郎秦金上言寶源吉慶二店課程弘治以前係順天府批驗茶引所官收受按李解部後太監于經奏爲皇店科取擾害人皆怨咨乞將二店課額依弘治年例庶軍民樂業上下俱利上命如所議行

世宗實錄

嘉靖二年三月御史向信請修復大通橋至張家灣廣利等八閘以紓民陸運之苦工部議行河道侍郎相度



世宗實錄

廣利牒在張家灣中馬頭西上至流通下牒十一里下  
至牒河口三里元至元二十九年始建木牒名河門牒

延祐以後修石牒改名廣濟

漕河圖志

大通關在張家灣之長店百貨彙集處也

方輿紀要

殷雲霄長店作牽舟下潞河河淺不可行前途漫浩

浩日暮悲孤征緣流百里間淼茫即東瀛挂帆越萬

里快哉平生情失計今如此憂懷徒自盈

石川集

嘉靖三十一年五月修築張家灣鎮城堡工完

世宗實錄

徐階張家灣城記自都門東南行六十里有地曰張家灣凡四方之貢賦與士大夫之造朝者舟至於此

則市馬僦車陸行以達都下故其地水陸之會而自

物之所聚也嘉靖癸亥冬世宗皇帝以有警詔發營

兵戍之先聲播聞寇不敢犯然戍者無所據依晝夜

被甲立勢實不可以久甲子春順天府尹劉君畿因

以城請司空雷公禮上議曰城於戍便於守固世宗

報可敕順天府丞郭汝霖通判歐陽昱內官太監桂

琦以二月二十二日始事財取諸官之贖及士民之

助者木取諸營建之餘甃取諸內官廠之積石取諸

道路橋梁之廢且圯者夫取諸通州之衛卒及商若

民之饒於貲者工既舉而財不時集階具以聞詔光

祿寺出膳羞之餘金三萬兩貸之於是諸臣咸悅以



月遂以成告周九百五丈有奇厚一丈一尺高視厚  
加一丈內外皆甃以磚東南濱潞河阻水爲險西北  
環以壕爲門四各冠以樓又爲便門一水關三而城  
之制悉備中建屋若干楹遇警則以貯運舟之粟且  
以爲避兵者之所舍設守備一員督軍五百守之而  
灣之人南北之縉紳中國四夷朝貢之使歲漕之將  
士下逮商賈販傭胥侍以無恐至於京師亦隱然有  
犄角之助矣仰惟國家建都燕薊百六十年于茲乃  
灣之有城實自世宗遣戍之詔始蓋世宗雄才大畧  
出於天縱而訐謨睿算又得於夙夜計安天下之心  
非偶然者其功在社稷廟稱爲世雖未易以名言然  
此固其一也夫規河洛而思禹情也亦義也今而後

登茲城者於世宗能無思乎誠使文武吏士體保固  
郊圻之意而殫謀以殿封疆兵之守者懷據依之便  
居處之安而竭力以奮武衛其在賓旅遡周防曲護  
之恩而各修厥職以供朝廷之事則庶幾爲能思世  
宗矣階不敏敢因紀成以規焉 世經堂集  
王崇慶張家灣曉發作沙鳥知山雨舟人狎海潮五  
雲堆魏闕回首路迢迢 端谿先生集  
許天錫曉發張灣詩黃鸝啼歇曉陰開兩岸垂楊蔭  
綠苔葉底輕花看不見暖風吹入短篷來 許黃門稿  
樊阜張灣舟中作朝發燕山陽夜宿張灣側高樹蔚  
繁陰浮雲淡無色睠彼西日馳憂心恒惻惻賴我同  
心人相期崇令德 樊氏摘稿



王問張灣送客詩旅舍臨官陌秋風一惘然獻書芸  
閣上歸夢草堂前燕市人初去江天月共憐應尋鹿  
門隱同宿五湖烟王仲山詩集

丘雲霄曉發張家灣作舟居變春夏倦與水雲期月  
明宿沙灣雞聲何呶呶寒烟薄汀渚征人事驅馳長  
河就東沒明星亦西移鳴鏹揚緇紛策馬縱青羈遠  
瞪鸞鳳樓有懷金玉姿元髮抱衷素綠絲方見治輾  
轉繁慮積邇邈千古思止齋集

林臯寺唐太和中建明景泰五年重修賜額曰興國寺  
廣福寺本元高麗寺舊址明正統己未更建賜今額  
通寺明洪武庚午年建三寺俱在張家灣又有鐵牛寺  
孤舟寺通州志

里二泗近張家灣有佑民觀中建玉皇閣醮壇塑河神

像嘉靖十四年道士周從善乞宮觀名賜今額名其閣

曰錫禧萬曆十年靈壁侯湯世隆復新之同上

王嘉謨里二泗東皇祠下作桎桐發春華藹藹照中

圃杳渺平湖澗孤帆逗新雨中流見古祠松雲澹群

樹舉酒酬芬芳村巫起屢舞雪消巖初綠蘋香魚正

孔但醉不須辭此樂真堪取蘇丘集

虹橋在通州河東三十里燕石集

天曆元年丞相燕帖木兒將大軍東出薊討禿滿迭兒

與王禪前軍戰榆河勦之追殘兵于虹橋北兩軍隔虹

橋水爲營合兵鏖戰白浮之野大敗之石田集

孛羅帖木兒謂也速南禦擴廓帖木兒軍也速次良鄉



不進而歸永平遣人西連太原東連遼陽字羅帖木兒  
患之遣驍將姚伯顏不花統兵出禦至通州河溢營虹  
橋以待也速出其不意襲而破之禽姚伯顏殺之字羅  
帖木兒大恐自將出通州三日大雨而還元史逆臣傳  
宋褰詩野春平碧生煖烟虹橋南畔沙漫天潞陽河  
上見酒旆直下復有釣魚船燕石集  
宣德三年八月車駕發京師渡潞河駐蹕虹橋宣宗實錄

至治元年七月通州潞縣榆村水決元史英宗紀  
孤山在州東四十里四面平曠一峯獨秀因名靖難初  
李景隆攻北平燕王自大寧還至孤山列陣于白河西  
即此方輿紀要

馬中錫登孤山書寶峰寺壁詩禪宮金碧照林丘人  
道重經內監修鶴擾下聽僧說泐犬嗥知有客來遊

山腰石澗初過雨碑額苔深不記秋若少簿書催我  
去放歌於此十旬留東田漫稿

永濟寺唐貞觀中建明弘治間重修善通寺遼乾統二  
年建隆興寺金天會七年建三寺俱在富河鄉永慶寺  
金大定中建寶林寺元大德初建壽安寺遼天慶十年  
建三寺俱在孝行鄉寶光寺舊名沁華寺元大德元年  
建在城西南次渠莊通州志

日下舊聞卷二十六終

日下舊聞

卷二十六

七



日下舊聞卷二十六補遺

京畿二

潞高陽氏後邳姓漢屬漁陽 國名紀

屠隆潞河晚泊詩迴浦落帆盡長堤帶郭斜暮烟平

吐樹春雨薄沉沙白艇藏漁市黃茆覆酒家一瓢雲

水外不復問年華 白榆集

洪武元年閏七月徐達率諸將既克長蘆直沽進抵河  
西務郭英首與元兵戰生擒達達判院遇元平章奄卜  
擊破之距通州三十里為營深溝高壘為持久計眾請  
連攻城英曰吾師遠來敵以逸待勞攻城非我利也宜  
出其不意破之翌日大霧英以千人伏道旁率精騎三  
千直抵城下元將五十八國公率敢死士萬餘張兩翼



出戰良久英祥敗敵乘勝來追伏兵起截其軍爲二斬首數千級元知院卜顏帖木兒力戰死之擒元宗室梁

王孛羅二十七日夜三鼓遂克通州

鴻猷錄

通州至京城中涂有高米店或呼高碑店按宋洪忠宣

皓松漠紀聞云潞縣三十里至交亭三十里至燕今之

潞沙筆綴

高米店疑卽古之交亭交高音譌也

然燈佛塔在潞河城北敦峻多級外剝內文中空下實

非十丈梯不能上

客雪吟

溫陵李贊墓在通州迎恩寺西

同上

范欽出都宿永濟寺作落日促行輶停林賦遠遊霜

鳥驚不定冰壑凍仍流世態徒青眼風塵易白頭好

憑今夜月流影入白州

大閣集

建武中漁陽太守彭寵被徵書至明日潞縣火災起城

中飛出城外燔千餘家

後漢書五行志

北通州燕山府潞縣也北並海金人每年於此造海船

因改爲州

海陵集

正隆四年二月造戰船于通州詔諭宰臣以伐宋事十

月乙亥觀造船于通州六年二月徵諸道水手運戰船

金史海陵紀

周麟之造海船行造海船海旁樸斲雷殷山大船關

艦萬斛小船飛鸞乍翾翾傳聞潞縣燕京北木梯

翻空浪頭白近年升作北通州謂是背吭宜控扼坐

令斬木千山童民間十室八九空老者駕車輦輪于

壯者腰斧從鳩工自期鼓楫滄溟隘他時取道膠西



若檣頭相風風北來飛航信宿趨吳會誰爲此言狂  
且愚南北土性天淵殊北人鞍馬是長技南人濤瀨  
如坦途果爾疑非萬全策驅民忍作魚龍食任渠轉  
海入江來自有周郎當赤壁 海陵集

緱山陳文靖公天祥告歸上遣使追及通州賜楮幣五  
千緡以無功辭或曰昔二疎去漢未聞辭賞公曰辭受  
在人何得以前輩相律 歸田類藁

李秉彝仲常通州潞縣人官至工部尚書兩浙轉運使  
所謂閑邪公也聊城周馳爲作傳趙文敏公書之元史  
不爲立傳其行事賴文敏之書以傳則史之絀漏不少  
矣 潞沙筆錄

全 改賜王謀南侵命戶部尚書案承衡造戰船于潞

河 建炎以來朝野雜記

正隆庚辰春正月再役天下軍民夫匠不限丁而盡起  
之委右丞相李通提造軍器于燕山之西北隅遣工部  
尚書蘇保衡侍郎韓錫郎中張參愈造戰船于通州潞  
河 正隆事迹

後至元己亥歲廣帥進鱉魚放之潞河滿林木皆梟鳴  
日夜不止 蠓菴集

先是漕運京糧唯通州倉臨河近便自通州抵京倉陸  
運四十餘里費殷而增耗不給各處赴京操軍久役用  
乏劉本道慮二者之病奏將通州倉糧于各月無事之  
時令歇操軍旋運至京每三十石給賞官銀一兩而漕  
運之糧止于通州交納就彼增置倉廩三百間以便收



貯歲積羨餘米五十餘萬石以廣京儲上賜二品服以  
旌之本道常州江陰人由掾吏仕至戶部右侍郎

智囊

陸深張家灣棹歌張灣水出北山頭十里洪身九里

洲惟有老漁知進退深灘撇網淺灘孳

儼山集

雙橋在柳巷之西通州大屯界也文徵仲出都詩云立  
馬雙橋日欲斜沙塵吹霧暗征車從今絕跡江南去只  
見青山不見沙蓋經此地作也

潞沙筆綴

桑紹良下第宿張家灣詩貂裘敝盡客還家郭隗臺  
前日欲斜回首鳳城春色好鶯聲啼碎碧桃花

明詩

正聲



